



LAPORAN LIPUTAN MEDIA

AHAD / 15 OKTOBER 2023

1. PESAWAH SAMBUT BAIK KENAIKAN HARGA BELIAN PADI – KOSMO

DISEDIAKAN OLEH:

CAWANGAN KOMUNIKASI KORPORAT (MADA)

KERATAN AKHBAR : KOSMO
TARIKH : 15 OKTOBER 2023
PERKARA : ISU SEMASA

Pesawah sambut baik kenaikan harga belian padi

ALOR SETAR – Pengumuman kenaikan harga lantai belian padi dari RM1,200 ke RM1,300 satu tan seperti diumumkan pada pembentangan Belanjawan 2024 kelmarin disambut baik oleh pesawah.

Pengerusi Pertubuhan Persaudaraan Pesawah Malaysia (Pesawah), Mohd. Fuad Yaacob berkata, mereka bagaimanapun tetap mengharapkan agar kerajaan dapat membuat ketetapan supaya pengilang membeli padi pada harga RM1,700 untuk keseluruhan musim ini.

Katanya, langkah itu bagi memberi keadilan kepada semua pesawah setelah ada antara mereka yang melakukan penuaian awal pada musim ini, merasa untuk menjual padi pada harga RM1,700 per tan sebelum pengilang tiba-tiba bertindak menurunkan harga pembelian secara mendadak kepada RM1,200, beberapa minggu lalu.

"Sebelum ini kita meminta supaya harga belian lantai padi

ditetapkan pada RM1,500 tetapi apabila kerajaan tetapkan RM1,300, kami akur dan berterima kasih.

"Tetapi kalau boleh, kami minta jasa baik kerajaan untuk umumkan penyelarasan supaya harga belian padi musim ini, kekal pada kadar RM1,700 seperti pada awal musim menuai dulu.

"Harga belian lantai RM1,300 ini, kita boleh laksanakan pada musim depan dan ditambah dengan subsidi diumumkan sebelum ini," katanya.

Sementara itu Pengerusi Badan Bertindak Petani MADA, Che Ani Mat Zain menganggap, harga belian lantai padi baharu diumumkan kerajaan itu masih terlalu rendah jika dibandingkan dengan peningkatan kos input pertanian kebelakangan ini.

Katanya, harga racun digunakan pesawah yang cuma berharga RM45 pada 2021, kini meningkat lebih hampir 400 peratus kepada RM170 kini.



KERAJAAN umumkan harga lantai belian padi dari RM1,200 kepada RM1,300 satu tan.